

明·吳 姓 撰

疏

集

(下)

偉文圖書出版社有限公司 印行

行政院新聞局核准登記證 局版臺業字第零伍叁號

淮南吳柴菴

疏集(下)

寤言、憶記
安危注、疏集

精裝六册定價：新台幣一、九〇〇元
美金 五〇〇元

出版者：偉文圖書出版社有限公司

撰 者：吳 姓

發行所：偉文圖書出版社有限公司

信箱：臺北第六八一九八一號

電話：五七一四七八五
五八一六九九三

郵撥：第一〇四〇四三號

印刷所：東興美術印刷廠有限公司

臺北市東園街一〇〇巷一四六號

中華民國六十五年九月

(本書係中央圖書館所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

柴菴疏集卷之十三

欽差提督鴈門等關兼巡撫山西地方

羅察院右

僉都御史臣吳甦謹題

撫晉

崇禎八年

鹵賊幸已出口微臣席藁待罪疏

臣於本月初六日督兵繁峙繁峙去茹越口六十里
據東路營叅將劉宗苗塘報是日午刻鹵賊出口已
盡寧武鎮臣提兵應援應州臣分布標太等營官兵

於各隘口以資聲勢爲夾勦計令猛如虎領兵駐馬
蘭虎大威領兵駐茹越陳國威領兵駐胡峪計鹵賊
之掠應朔不久亦當出邊諸將雲集或得一劊臣席
藁待罪久矣今乃敢請於

皇上也晉雖三關設險畢竟以大同爲第一重藩籬
名爲邊鎮實同腹裏兵馬之單弱牆垣之頽圯糧峙
之空匱

皇上所洞鑒也自去秋蹂躪以後屢奉

明旨申飭悉備修防不啻三令五申臣敢不黽勉從
事而積壞已久整頓爲難且備火器嚴城守詰奸細
飭保聚堅壁清野以忠義激發人心以賞罰勸懲將
士臣之所能也立枹鼓使三軍奮勇敢戰身先士卒
令人人用命奏斬馘之功非臣之所能也今鹵賊蓄
謀甚狡自入陽方直走忻州意圖太原臣幸駐忻州
率民死守飛調三營將士檄村民歸併堡寨用火器
擊賊以是城堡無恙所掠者山中牧放之牛羊及秋

禾徧遭蹂踐而已然賴有督臣楊嗣昌勵師代北共奮同讐殫力固守邊鎮藉以寧謐臣始得一意調集各營之兵遏賊南下之路而解忻定之圍此殆邀有天幸而總無以解臣之罪邊吏不戒致鹵闌入內地蹂躪浹旬來不能禦去不能殲罪一也鎮將畏賊如虎臣不能作其勇而敵所愾罪二也援兵遠者既不能力旦夕到而近如雲鎮又以寧武道臣不卽給支糧草之故悻悻而去罪三也寧武兵不能辦賊又素慣

譁逃所過村堡遭其騷擾民間苦之不啻如鹵臣格
於鎮臣不能約束而多方令三營將士爲之前驅以
防其潰卽此一事尚費調停安望殺賊罪四也臨邊
各州縣營堡屢經兵荒蹂殘之後儲積孔艱所在空
乏而臣無足食之術罪五也臣本非邊料又有嘔血
怔忡之病恐悞封疆不得已屢乞骸骨原非假托今
積勞口甚積譽日多積疾日深以虛癆之身負艱危
之擔不自量力召侮有因罪六也臣有此六罪安所

逃於斧鉞伏望

皇上先革臣之任使臣得一日之暇從事藥餌調治
病軀少延喘息急簡精力幹濟之臣料理晉事然後
勅下閣部議臣之罪恭候

聖斷速賜處分以爲封疆之吏不能忒守封疆之戒
臣生死銜恩沒齒無怨

山右鹵警方殷流寇乘虛可慮疏

竊照秦賊數十萬流毒五省飄忽無定其偵探則雜布於九流之中其衝突則搗虛於無備之地年來所過各省州縣備嚴則去備疎則攻有兵則避無兵則掠此其情形之大略也目今大兵雲集殲滅在邇督臣洪承疇設奇制勝碁布星羅環豫楚以列營聯秦蜀而布陣到處是兵無險不據蠢彼遊魂立觀授首此其時矣臣有深慮不得不預爲早計以共圖萬全

者臣計蜀有劍閣連雲之險楚有洞庭漢江之阻豫
有陝雒嵩潼之固今扼要之地俱設有重兵使賊畏
而裹足獨山西一塊土與秦寇所隔僅盈盈衣帶水
耳臣日與諸道府悉心料理爲防河之計者不遺餘
力自醜鹵闖入臣待罪代北巡東守南兩道俱缺推
者未來料理乏人各營精銳調集防邊長河千里幾
若甌脫卽分列弱卒數百其何能守近接督臣洪承
疇六月十七日咨文內稱親督將兵入秦督勦但大

賊二三十萬分股數多四散逸走其西安平鳳與慶陽延安到處可以相通隨地可以奔入若一奔入鄜延上下處處皆可渡晉本部院先慮晉中東岸急宜防堵今賊苗頭已向鄜延等語臣晝夜思維晉在河東秦在河西與其待賊將泊而防之於東孰若乘其未渡而遏之於西蓋今日發兵措餉六月辦賊者乃勦局也言勦則必困之死地令其一步不敢動殲之行間令其一賊不復留當必不令其狂奔復窺伺河

畢而以晉爲壑矣以臣再計之潼關朝韓而北宜維
綏葭而南當有大將建旗鼓領勁兵五六千堵勦於
鄜延河上塞其奔軼之路以六萬之衆而抽此一旅
非爲防河實以勦賊知督臣計周桑土當不再計而
決也不然蜀楚中州之要地皆設兵防堵獨山西對
听不聞樹一將發一兵狡寇乘虛而奔舍晉可適矣
豈數萬之師不能勦之於秦者而望千百之兵守千
二百里之河而必其能防之於晉乎臣非敢卸責於

秦而弛防於晉也在晉以守爲防無不罄竭之心力而兵寡河長分布難周結筏偷渡窺足易入秦不勦賊則已秦而勦賊也鄙延之間可無大將重兵扼賊奔潰之路乎哉不然秦寇潰而奔晉晉兵單餉匱必不能禦勢必復煩督臣提兵而東迨兵集之日恐賊已奔畿南走河北窺山東其決裂有不忍言者臣以勦兼防之說不獨係全河東股肱亦以鞏固神京右臂廟堂之上不可不熟計早斷者也

PLATE I

11

彙報擒斬鹵賊功級情形疏

鹵賊未入犯之先屢奉明旨申飭保聚之法多備火器歸併堡寨預懸賞格其爲防禦鼓勵計者至周悉也臣飭所屬州縣遵行惟謹各鄉堡寨查給鎗砲火藥鄉民皆能奮勇擊賊賊以是屢攻堡寨不能尅而被鎗砲中傷死者甚多強半拉去無徵不信不敢入塘報也而斬鹵首百餘級擒活彘十餘名奪牛馬無算種種見報臣一一親驗皆實量賞示勸乃將士反

不能乘瑕擊惰何哉亦足羞矣內如鄉紳訓練親丁如吏部郎中孫傳庭之遣王承嗣等用飛砲擊賊賊以遠遁又遣孫劍等設伏奪獲馬騾進士丘茂華遣家丁田應秋等擒獲活彘所吐情形最確又如鄉民李茂奎李之本等皆斬鹵首各二級呂令村收彘箭至千二百枝賊竭力仰攻而鄉民効死弗去獲其雲梯等物安守福等已爲鹵所掠能乘機殺賊潰圍而出幾與副將猛如虎等筐村之戰王忠賈村之捷先